



## Sámediggi ja Giellagas-instituhtta álggaheaba sámeoahpahusa bargiide oavvilduvvon giellalávgunoahpahusa skuvlenprošeavtta

**Sámediggi ja Oulu universitehta Giellagas-instituhtta álggaheaba skábmamánu beallemuttus sámeoahpahusa bargiide oavvilduvvon skuvlenprošeavtta *'Sámegiela giellalávgun skuvllas – mo doarjjun iežan giela ja kultuvrra oahpahasas?'*. Ovttasbargoguoibmin oahpahasas doibmet maiddá Vaasa universitehta Giellalávgun ja mánggagielatvuoda guovddáš ja Sámi allaskuvla.**

Oahpahusráđdehus lea juolludan sámediggái stáhtaveahki oahpahusbargiid skuvlenfidnui jagiide 2014–2015. Sámedikki skuvlen- ja oahppamateriáladoaimmahat koordinere skuvlema ja doaibmá stáhtaveahki hálddašeaddji organisašuvdnan. Oulu universitehta Giellagas-instituhtta vástida oahpahasas. Ovttasbargoguoibmin doibmet dasa lassin Vaasa universitehta Giellalávgun ja mánggagielatvuoda guovddáža ja Sámi allaskuvlla áššedovdit.

Skuvlen lea oavvilduvvon ovdasajis vuoddoahpahusa sámegiela ja sámegiela luohkáid oahpaheddjiide, muhto mielde besset maiddá sámi árabajásgeassima bargit, logahaga sámegiela oahpaheaddjit ja maiddá sámegiela ámmátlaš skuvlema oahpaheaddjit.

Oahpahusbargiid skuvlen ordnejuvvo njealji guovttebeaivásaš lagasskuvlenáigodahkan Anáris Sáme Kulturguoivddášis Sajosis nu, ahte vuosttaš deaivvadeapmi lea 14.-15.11.2014, nubbi ja goalmmát deaivvadeapmi gidđat 2015 ja maŋimus lagasskuvlendeaivvadeapmi fas čakčat 2015. Skuvlenbeaivvit čohkiidit teoriijalogaldagain ja bagadallon bargobádjebeivviin. Ulbmilin lea ovttahttit sámeoahpaheddjiid oktavuodaid, teorehtalaš dieđu, oahpaheddjiid iežaset vásáhusaid ja jaskes dieđu. Bargobádjebeivviid áigge buvttadit girjjálaš materiála, man vuodul prošeavtta boadusin almmustahtto sámeoahpahusa idea- ja rávagirji. Rávagirji almmustahtto sihke sáme- ja suomagillii.

Sámeoahpahusa bargiid skuvlema viggamuššan lea lahkoni sámeoahpahusa giellaealáskahttima geahččanguovllus ja das, ahte sámegiela dárbašit ođđa hubmiid. Skuvlema viggamuššan lea čielggadit vástádušaid čuovvovaš gažaldagaide: Mo mii sirdit/oahpahit giela nu beaktilit go vejolaš gielalaččat heterogenaš oahppiid jovkui? Viggamuššan lea maiddá ovddidit sámeoahpahusa bargiid pedagogalaš ja ávdnasiidda guoski dáidduid sihke ráhkadit ođđa pedagogalaš geavadiid, mat váldet vuhtii sámegiela ja -kultuvrra. Dainna buoridit oahppama kvalitehta ja oahppanbohtosiid ja ovddidit sámegiela ja -kultuvrra ealáskahttima.

Skuvlejupmái oassálastit ožžot vuđolaš dieđuid giellalávgunoahpahusa teoriijas, geavada ollašuttinvugiin, vásáhusain, oahppanbohtosiin ja das, mo dán dieđu sáhtá heivehit sámeoahpahussii. Ulbmilin lea, ahte sámeoahpahusa bargit besset skuvlejumi áigge gulahallat ja čatnat oktavuodaid, oahppat odđa áššiid ja juohkit máhtuideaset. Sámeoahpahasas dárbbášit iežas gaskavuoda áššedovdifierpmádaga, man vuodul bargis lea vejolaš nannet kultuvrralaš bargovugiid ja maiddái iežas ámmátidentitehta.

Guhkes mátkkiid dihte sámeoahpahusa bargiid deaivvademiid lea leamašan váttis ordnet badjel gielddarjiid. Dán oahpahusbargiid skuvlenprošeavttas lea stáhtaveahki olis vejolaš buhttet oassálastiid mátkegoluid.

Sámeoahpahusbargiid skuvlema oahppoáigodagat ja daid sisdoalut ja almmuhanrávvagat almmustahttojit čakčamánu 2014. Skuvlejumi čadaheamis oážžu 6 oahppočuoggá.

**Lassedieđut:**

GIELLAGAS -INSTITUHTTA

Fil.doavttir Marja-Liisa Olthuis  
[marja-liisa.olthuis@oulu.fi](mailto:marja-liisa.olthuis@oulu.fi)

Hoavda Anni-Siiri Länsman  
[anni-siiri.lansman@oulu.fi](mailto:anni-siiri.lansman@oulu.fi)

SÁMEDIGGI

Ulla Aikio-Puoskari, skuvlenčáli  
[ulla.aikio-puoskari@samediggi.fi](mailto:ulla.aikio-puoskari@samediggi.fi)  
tel. +358 (0)10 839 3112

Irmeli Moilanen, skuvlema plánejeaddji  
[irmeli.moilanen@samediggi.fi](mailto:irmeli.moilanen@samediggi.fi)  
tel. + 358 (0) 10 839 3163 (27.6.2014 rádjái)